

P. 691, L. 8【自然身】《法華經要解》卷 6：「即服諸香。又飲華油滿千二百歲。表以妙德妙行淨治根塵也。香油外塗。表內外俱淨也。寶衣纏身灌諸香油。以神力然身光明徧照等。表被忍辱衣，資妙行力。以智慧火，爍滅幻緣。顯發真光照明法界。此皆顯示法力行境。所以諸佛讚言：是真精進真法供養也。彼華香繒幡之勝，特外物耳。國城妻子之重，特愛緣耳。非法供養故皆不及。夫為法不顧其身。非特佛氏也。至人得道皆能外形骸、忘死生。或喪之若遺土。或喜之如決疣。若楊雄不羨久生。孔聖甘於夕死。凡以達本知當，恃有不亡者存。而蕚脫乎塵垢患累故也。而大聖又能固之以悲願、濟之以神力。故燒身然臂曾無憂吝。世俗或駭其所為。在至人觀之。與遺土、決疣一而已。亦以妙覺圓照，離於身見，得蘊空故。乃能如是。若識見未亡、諸蘊違礙。不達法行，空慕其迹。是徒增業苦，為妄作之凶矣。……故律制：燒身、然指悉皆得罪。而大乘或聽許者。以大乘之人法行備故。非妄作故。」(X30,p.348a5-b1)

「遺土」：丟棄泥塊。形容鄙棄之甚。《莊子·德充符》：「物視其所一，而不見其所喪，視喪其足，猶遺土也。」郭象注：「去生如脫屣，斷足如遺土。」《法華經大成音義》：「楊雄不羨久生 或問楊子曰：人羨久生。將以學也。可謂好學已乎？楊子曰：未之好也。學不羨。註云：仲尼志道。朝聞夕死。楊子好學。不羨久生。出楊子《法言·學行篇》。」(X32,p.561a1-4)

《法華經授手》卷 9：「問：律制燒身得偷蘭遮罪（重罪、大障善道）。燒指得突吉羅罪（惡作、小過、輕垢）。此經讚燒。何也？答：大小開制。教法不同。如梵網經云：若不燒身臂指供養諸佛。非出家菩薩（48 輕戒之 16）。故知順小行易。從大誠難也。」(X32,p.793b1-4)《法華經大成》卷 8：「從大誠難。燒乃不易。今藥王久證。并出開制。重法忘懷。發起神通之願。為軌下愚。當深思焉。」(X32,pp.518c23-519a1)

P. 691, L. -4【是真精進是名真法供養如來】《法華經授手》卷 9：「天台別傳云：智者大師初見南嶽思大禪師於光州大蘇山。思授以普賢道場。令修法華三昧。誦經至此。『是真精進是真法供養如來』。寂而入定。見靈山一會儼然未散。豁然大悟。獲旋陀羅尼。」(X32,p.793a21-b1)《法華經大成》卷 8：「以所證白思。思曰：非汝不證。非我不知。汝所得乃法華三昧前方便。獲一旋陀羅尼。自是

以後。照了法華。如曦和臨於萬象。達諸法相。似清風遊於太虛矣。」(X32, p.519a5-8)

P. 691, L. -1【**作是語已。而各默然**】《法華經授手》卷9：「其中諸佛，即八十億恒河沙世界中之諸佛也。同時者。見無先後。異口同音也。由喜見我執破後。則法身當體顯現。親見佛身。親聞佛語。盡十方世界無不是佛。斯所謂同時也。真精進者。由喜見聞經之後。精進經行。一心求佛。滿萬二千歲。至此行德圓成親見諸佛。故諸佛讚言：如此修行。是可謂真精進矣。真法供養者。證上神力供養。不如以身供養之言。況神力所現者。亦不過香華等之事相。今以身然。則捨心成就。不執有我也。我既空而慧自具。慧具而法真矣。故曰真法供養。然彼華香繒幡之勝。特外物耳。國城妻子之重。特愛緣耳。皆非真法。故所不及。善男子下。結證然身為第一之施。最尊最上。既稱讚已。而各默然者。一是證得真法供養。亦是諸佛神用加被。而各默然受此法供養也。欲顯真際之理離言說相。」(X32,pp.792c23-793a13)《法華經大成》卷8：「真法供養者。菩薩內運智觀。觀此色身。由惑因故。感斯惑果。即幻緣假合。今用空慧之火而蕩除之。故言真法也。能燒者火。所燒者身。能供養者身火。所供養者佛法也。能觀者智慧。所觀者身火。能供所供。境智不二。能所斯亡。以不二觀。觀不二境。成不二行。會不二空。作如是觀。燒身苦行等。皆為正行。所以投巖無招外行之論。赴火不為內眾之譏。若不爾者。無利勤苦。佛有誠誠。良由心正行正。智邪事邪。行不可廢。智不可亡。後之學者。無失法利。」(X32,p.518 c10-19)

P. 692, L. 2【**作是觀時。苦為法界**】《占察善惡業報經玄義》：「九界眾生。皆是以苦為樂。所處愈下。所樂愈劣。自上視下。知彼所樂當體是苦。惟佛苦樂情盡。證苦法界及樂法界。惟一實相。無苦無樂。乃名大樂耳。今姑就九界情謂。則各以順適身心。名為樂報。違損身心。名為苦報。此苦樂報。各從自類善惡業所招也。」「依圓實稱性而談。則十法界苦樂諸報。一一無非實相法界。即空·假·中。」「觀行位中。依名觀察。了知十界報法。一一即空·假·中。圓伏三惑。如手執冰。知其潤濕也。」(X21,p.412b6-p.414c8)

P. 692, L. 5【**火然千二百歲**】《法華經大成》卷8：「六根六塵。一切洞徹。

我相乃盡。」(X32,p.519a16)

P. 692, L. 6+7【界內、界外】欲、色、無色三界之內，稱為界內；在三界之外，稱為界外。天台智者大師將淨土分類成凡聖同居、方便有餘、實報、寂光四土，認為前一種是界內的淨土，後三種為界外的淨土。大乘佛典認為阿羅漢等所得的涅槃並非真的滅度，以為彼等雖已免三界的分段生死，但未能免去界外的變易生死，必須更迴心修菩薩道，因此有界內、界外教義之別。天台家以藏、通、別、圓四教中的前二教為界內，後二教為界外。前二教中，藏教主要是說色心諸法之事相差別，因此稱之為界內事教；通教談因緣即空之理，所以稱之為界內理教。而受此事理之教者，稱為界內之人，或界內之機，唯破見思惑及塵沙惑的一分；雖說證涅槃，但尚有無明煩惱，故生方便土，聽《法華》，進而成為界外之人。又，別、圓二教雖是同稱為界外之教，但其中別教詮恆河沙無量事，故名之為界外事教，圓教說圓滿融即之理，故名之為界外理教。稟此事理之教者，稱為界外之人，或界外之機。在三惑之中，見思惑是純界內的惑，無明惑是純界外的惑，塵沙惑則兼通內外。四土之中，斷盡界內見思惑者生方便有餘土，斷界外無明惑之一分以上者生實報土，三惑總盡者生寂光土。～《中華佛教百科全書》

P. 692, L. -4【淨德王】《法華經大成》卷8：「父、師不離淨德。表真俗常修妙行故。」(X32,p.519a22)佛名「日月淨明德」，佛父名「淨德」、「離垢施」。

P. 692, L. -4【忽然化生】《法華經授手》卷9：「然身之後。轉生化生也。知音云。依晉譯。先云忽然化生。後云結跏趺坐。其文乃順。化生者。照前彼國無有女人之案。……喜見既得真法。以供如來。是生佛已泯。故曰命終。法執尚未極忘。故又生日月淨明國中，淨德王家也。由此淨明之相未窮。淨德之念未了。故又興然臂之舉。表忘法執也。」(X32,p.793b11-16)西晉月氏國三藏竺法護譯《正法華經》卷9：「生離垢施國王宮內，自然化生，結跏趺坐，而為父母說此頌」(T09,p.125b28-29)

P. 692, L. -1【經行彼處】《法華經授手》卷9：「前云於日月淨明德佛法中精進經行。今既生此國。而言經行彼處者。即捨身處也。我執是其故居。今執破

智現。以此望先。為彼處也。」(X32,p.793b22-c1)

P. 693, L. 1【供養於世尊。為求無上慧】《法華經授手》卷 9：「有本於此偈後。更添『供養於世尊以求無上慧』兩句。乃後人擅加耳。笈多所譯。亦但六句。法護譯只四句。」(X32,p.793b20-22)《法華經大成》卷 8：「有本於此偈後。添二句。義雖足。乃後人擅加。考笈多所譯。亦但六句。法護所譯。但四句耳。晉本偈後。有父王歎善、同詣佛所之文。其義更足。」(X32,p.519b5-8)《正法華經》卷 9：「尊王識念我本行，堅強勤修大精進，所重愛身以用施，建立住此逮三昧。」(T09,p.125c1-2)「離垢施王讚其子曰：『善哉！善哉！當共俱往躬身當觀供養聖尊。』說此言已，與父王俱踊在空中…」(T09,p.125c10-12)《添品妙法蓮華經》卷 6：「大王今當知，我經行彼處，即時得一切，現諸身三昧，勤行大精進，捨所愛之身。」(T09,p.188b1-3)

P. 693, L. 2【得解一切眾生語言陀羅尼】《法華經大成》卷 8：「一切眾生語言者。勿論雞鳴犬吠。鵲噪鴉喧。得此三昧。普皆了知。又寶積經云。復有三昧。名解一切眾生語言。得此三昧者。善能宣說一切語言。於一字中說一切字。了一切字皆同一字故。初聞經後得色身三昧者。由證得法身。故應物現形。無非妙體。然身之後得語言總持者。由離諸相見。故圓通眾音。無非真說。體無非妙。則森羅萬象皆一切色身。說無非真。則鵲噪鴉鳴皆語言三昧。非深證行境。超情離見者。何以當此。」(X32,p.519 b8-17)

P. 693, L. 3【甄迦羅等】《阿毘達磨俱舍論》卷 12：《解脫經》說六十數中，一十為十→百→千→萬→洛叉→度洛叉→俱胝(10^7)→末陀→阿庾多→大阿庾多→那庾多→大那庾多(兆)→鉢羅庾多→大鉢羅庾多→矜羯羅(10^{15})→大矜羯羅→頻跋羅(10^{17})→大頻跋羅→阿芻婆(10^{19})→大阿芻婆……」(T29,p.63b13-24)

【甄迦羅】又作矜羯羅、恆迦羅。～《佛光大辭典》 $10^{15}=1000$ 兆。